



# TI NATIONAL DEMOCRATIC FRONT (NDF)

**T**i National Democratic Front wenno NDF ket limed ken pinaka-konsonlidado nga alyansa dagiti basaran a rebolusyonaryo a puersa a mangitantandudo iti baro a demokratiko a rebolusyon babaen ti gubat ti umili. Daytoy ket maysa a nagkaykaysa a prente para iti armado a pannakidangadang.

Mangngedngeddeng ti NDF a ti rebolusyon a Pilipino ket maysa a nailian-demokratiko a rebolusyon nga adda sosyalista a perspektiba ken adda iti sidong ti naindasigan a panangidaulo ti proletaryado babaen ti Partido Komunista ti Pilipinas (PKP). Itantandudo na ti panangidaulo ti PKP babaen ti panangiggem ti umno a linya ken patakaran, ken iti panangiyabante iti rebolusyonaryo a pagsayaatan ken pannakidangadang ti intero nga umili.

Ti NDF ket agserserbi a bala-bala para iti panagbukel ken panangpadur-as ti panagkaykaysa, kooperasyon ken koordinasyon dagiti alyado nga organisasyon a segun iti naindasigan a rebolusyonaryo a linya iti nagkaykaysa a prente. Bibiagen na ken pappapigsaen na ti panangidaulo ti dasig a mangmangged, ti basaran nga alyansa ti mangmangged ken mannalon, ken dagiti basaran a puersa ti rebolusyon (dagiti mangmangged, mannalon ken peti-burgesya) ken dadduma pay a positibo a puersa ti rebolusyon.

Rebbengen ti NDF nga iyabante ti panagkaykaysa, kooperasyon ken koordinasyon ti amin a makaili ken progresibo a dasig, sektor ken puersa iti uneg man wenno ruar ti Pilipinas, nakapauneg man wenno saan iti bala-bala ti NDF.





# Kaano a binukel ti NDF ken ania dagiti alyado nga organisasyon a mangbukbukel ditoy?

Binukel ti PKP ti NDF idi Abril 24, 1973. Inkagumaan ti Partido ti panangitakder, panagpalawa ken panangpapgisa dagiti limered a rebolusyonaryo nga organisasyon masa.

Iti agdama, addaanen 18 a rebolusyonaryo nga organisasyon a mangbukbukel ti NDF. Isuda ti mangibagbagi dagiti magunggundawayan ken maddadanes a dasig ken sektor ti gimong a Pilipino. Pinasingkedaan daytoy ti Nailian a Kumperensya ti NDF idi Hulyo 1994. Dagitoy ti sumaganad:


- ☪☪☪ **(PKP)** Partido Komunista ti Pilipinas
- ☪☪☪ **(BHB)** Bagong Hukbong Bayan
- ☪☪☪ **(RCTU)** Revolutionary Council of Trade Union
- ☪☪☪ **(PKM)** Pambansang Katipunan ng mga Magbubukid
- ☪☪☪ **(KASAMA)** Katipunan ng mga Samahang Manggagawa
- ☪☪☪ **(KM)** Kabataang Makabayan
- ☪☪☪ **(MAKIBAKA)** Makabayang Kilusan ng Bagong Kababaihan
- ☪☪☪ **(ARMAS)** Artista at Manunulat ng Sambayanan
- ☪☪☪ **(CPDF)** Cordillera People's Democratic Front
- ☪☪☪ **(CNL)** Christians for National Liberation
- ☪☪☪ **(MSP)** Makabayang Samahang Pangkalusugan
- ☪☪☪ **(LAB)** Liga ng Agham para sa Bayan
- ☪☪☪ **(KAGUMA)** Katipunan ng mga Gurong Makabayan
- ☪☪☪ **(MKP)** Makabayang Kawaning Pilipino
- ☪☪☪ **(MRLO)** Moro Revolutionary Liberation Organization
- ☪☪☪ **(ROL)** Rebolusyonaryong Organisasyong Lumad
- ☪☪☪ **(LUMABAN)** Lupon ng mga Manananggol para sa Bayan
- ☪☪☪ **(COMPATRIOTS)** Revolutionary Organization of Filipino Migrants Abroad

Ti basaran ti panagkaykaysa dagitoy nga organisasyon ket ti panangbigbig ken panangitandudo ti demokratiko a rebolusyon ti umili nga addaan sosyalista a perspektiba ken iti panangidaulo ti Partido Komunista ti Pilipinas. Siasinnoman a mamati a kasapulan ti rebolusyon tapno marippuog ti agdama a bulok a sistema ket mabalina nga agkameng kadagitoy nga organisasyon.



# Ania ti 12-Punto a Programa ti NDF?

1. Pagkaykaysaen ti umili tapno rippuogen ti sistema a malakolonyal ken malapyudal babaen ti gubat ti umili ken kumpletoen ti nailian -demokratiko a rebolusyon.
2. Itakder ti demokratiko a republika ti umili ken ti demokratiko a gobyerno a koalision.
3. Buklen ti buyot ti umili ken ti sistema ti depensa.
4. Itandudo ken iyabante dagiti demokratiko a karbengan ti umili.
5. Gibusan ti amin a saan a patas a relasyon iti US ken dadduma pay nga entidad wenno ganggannaet a grupo.
6. Ipatungpal ti pudno a reporma nga agraryo, itandudo ti kooperasiyon nga agrikultural, ingato ti produksyon ken empleyo iti kaaw-awayan babaen ti modernisasyon ti agrikultura ken industriyalisasyon a rural ken siguradoen ti sustenable nga agrikultura.
7. Gibusan ti dominasyon iti ekonomya ti US ken dadduma pay nga imperyalista a bileg, dakkel a komprador ken apo't daga; ipatungpal ti nailian nga industriyalisasyon ken itakder ti ekonomya a naway ken nakasanggir (mangnamnama)-iti-bukod.



8. Ipatungpal ti maysa a komprehensibo ken progresibo a patakaran a pangkagimongan.
9. Iyabante ti nailian, syentipiko ken pangmasa a kultura.
10. Itandudo dagiti karbengan iti panangngeddeng iti bukod ken demokrasya ti umili a Moro ken umili ti Cordillera ken dadduma pay a nailian a minorya wenno umili a katutubo.
11. Iyabante ti rebolusyonaryo a panangwayawaya iti babbai iti amin a tukad.
12. Ipatungpal ti aktibo, nawaya ken natalinaay a patakaran a pangruar.

---

**REBBEKEN TI IMPERYALISMO, PYUDALISMO  
KEN BURUKRATA KAPITALISMO!**

**SUPORTARAN TI PEACE TALKS!**

**WAYA-WAYAAN TI AMIN A POLITICAL PRISONERS!**

**ITANDUDO TI GUBAT TI UMILI!**



**National Democratic Front - Cagayan Valley**